

卷之四



陳眉公正廿一史彈詞卷下

蜀楊慎纂

第六段

說五胡亂華

點絳脣

暮鼓晨鐘。春花秋月何時了。七顛八倒。往事知多少。○昨日今朝。鏡裡容顏老。千年調。一場談笑。幾個人知道。

詩曰

百歲光陰似水流。千年計策為誰憂。兒孫自有兒孫福。莫與兒孫作馬牛。

馬力牛筋為子孫。龍爭虎鬪鬧乾坤。戰塵摩擦英雄老。



殺氣薰蒸日月昏。千載幾人傳後代。百年誰主調征魂。  
孔明若曉其中意。高卧南陽緊閉門。

翰苑才人詩少詠。草堂詞客話重論。夜來說到題詩處。  
今日推敲句法新。剪雪裁冰誇俊筆。敲金擊玉羨清音。  
講談人品文兼武。褒貶興亡古至今。話到感傷堪墮淚。  
人逢喜事笑生春。指陳是否依前古。剖判賢愚警後人。  
夜雨滴醒懷國夢。春風吹起馬蹄塵。風敲玉馬閒中聽。  
兩滴金階靜裏聞。靜裏乾坤千古意。閒中日月四時春。  
高人要識閒中景。聽撥冰絃叙古今。

話說過南北史上是大節目。中間又有五胡亂華。所謂五  
胡者。鮮卑。匈奴。氐。羌。羯。五等胡人。自西晉武帝己亥咸寧  
五年。以匈奴劉淵為左部帥使。有巴西氐人李特入據成  
都。至晉惠帝甲子永興元年。劉淵稱漢帝。李特號成王。自  
後五胡相繼而起。擾亂中原。至南宋文帝己卯元嘉十六  
年。北魏太武皇帝拓拔燾滅了北涼。沮渠牧犍才方盡絕。  
前後一百七十八年。又過一百四十三年。隋文帝辛丑開  
皇元年。併周滅陳。北朝盡絕。前後胡人擾亂中國。共三百  
二十三年。正所謂胡羯縱橫。鯨吞北海。南朝冗冗。虎據金



陵四海生靈不勝塗炭。五胡之國。雖有五涼。四燕。三秦。二趙。一夏。一蜀。共一十六國。蜀漢居先。二趙繼之。涼秦燕夏。迭興迭滅。共計稱尊建號者六十七人。今將大畧叙之。蜀國李特。巴西人。西晉惠帝時。據成都。相傳六主。曰李雄。李班。李越。李期。李勢。共四十六年。東晉穆帝。遣桓溫滅之。前趙劉淵。匈奴人。西晉武帝時。據平陽。傳其子劉和。劉聰。劉耀。凡四主。共二十六年。石勒滅之。

後趙石勒。匈奴人。劉聰之臣。東晉元帝時。篡弒劉耀。據襄國。相傳石弘。石虎。石祗。凡四主。三十六年。其臣冉閔滅之。

前涼張軌。安定胡人。晉懷帝時。為涼州牧。傳後有張寔。張茂。張駿。張重華。張玄靚。張天錫。凡七主。共七十六年。符堅滅之。

前秦符健。畧陽氏人。晉穆帝時。據長安。相傳符生。符堅。符丕。符登。凡五主。共四十四年。其臣姚萇之子姚興滅之。後秦姚萇。赤亭羗人。據長安。傳姚興。姚泓。凡三主。三十四年。晉安帝時。劉裕滅之。

西秦乞伏國仁。鮮卑人。符健之臣。據金城。傳至弟乾歸。又傳熾盤。暮末。凡四主。前後共四十六年。赫連勃勃滅之。



夏國赫連勃勃。匈奴人。晉安帝時。在姚興手下。據朔方。統萬背秦而稱天王。傳赫連昌。赫連定。凡三主。二十二年。北魏太武帝滅之。

後涼呂光。畧陽氏人。苻堅之臣。據姑臧。傳呂纂。呂超。呂隆。凡四主。共一十八年。姚興滅之。

南涼秃髮烏孤。河西鮮卑人。呂光之臣。據廣武。傳其弟利鹿孤。傳檀。凡三主。十八年。乞伏熾盤滅之。

前燕慕容廆。昌黎鮮卑人。晉初為都督。其子慕容皝據鄴。傳慕容儁。慕容暉。凡四主。八十五年。苻堅滅之。

後燕慕容垂。皝之子也。為苻堅之臣。叛秦而據中山。傳至慕容寶。慕容盛。慕容熙。凡四主。二十五年。其臣馮跋滅之。北燕馮跋。信都胡人。後燕之臣。叛據昌黎。其弟馮弘繼之。凡二主。二十八年。魏太武帝滅之。

西燕慕容冲。慕容垂之弟。據平陽自立。傳之慕容忠。慕容永。三主。共十年。慕容垂之子。垂之弟慕容德。復據廣固。為南燕。傳之慕容超。凡二主。十一年。晉劉裕滅之。

西涼李暠。燉煌胡人。後涼呂氏之臣。傳其子歆。凡二主。二十五年。沮渠氏滅之。



北涼沮渠蒙遜。盧水胡人。事呂光。又臣段氏。又臣晉臣魏。後據張掖郡。傳之子牧健。凡三主。三十九年。魏太武滅之。凡此共十六國。謂之五胡亂華。中間賢愚不等。畧舉大端。南北史。亂紛紛。三百餘載。五胡人。十六國。據土稱尊。先創主。成都王。巴陵李特。子名雄。當晉世。國號為成。用廢士。范長生。扶持社稷。主姪兒為太子。不背其兄。三十載。命臨終。傳之以位。太子班。行喪禮。孝義聞名。妾子越。孝堂中。興心弑主。弟名斯。方得志。老母遭刑。雄弟子襲。成都。殺期篡國。自為君。改國號漢。主中興。

太子勢。既登朝。殺其弟廣。晉桓溫。一燔火。束手遭擒。同世界。趙劉淵。匈奴部帥。晉懷時。稱漢帝。祖漢為君。擁大衆。據平陽。威加塞北。子和劉。方即位。見弑於臧。聰得志。逞淫刑。芟除骨肉。入洛陽。擒晉主。十載而薨。弟劉耀。展江山。改稱趙帝。九年來。遭石勒。一戰而擒。石勒氏。據襄國。時稱後趙。號天王。劉四載。太子為君。太子弘。止一年。遭逢石虎。殺其身。及其母。大痛難伸。石虎氏。自稱尊。殺其親子。至石遵。又殺弟。骨肉相刑。鑿殺遵。閔殺鑿。石祗稱帝。二三年。都做了。橫死猖神。



前涼主晉懷時西平張軌。牧涼州封太尉。一代忠臣。子張寔嗣其宗。入朝獻璽。南七年。遭帳下為璽傷身。弟張茂立三年。拜降劉耀。封涼王。剛半載。兄子為君。兄子駿去趙封。仍稱晉將。二十年。假王號。氣勢憑陵。傳位與子重華。改秦擊趙。庶兄來弒幼主。骨肉分爭。張玄靚立九年。死於叔父。張天錫奪姪位。酒色荒淫。傳七代。亂離中。四場家禍。有虛名。無實位。降與苻秦。前秦者。畧陽人。姓苻名健。永和辛亥歲即位。稱秦。壯烈。隆大為作。二十八載。八公山逢敵手。滅了英雄。

慕容冲攻長安。出達五將。被姚萇活勒殺。懊悔平生。長樂丕走晉陽。稱尊繼統。慕容永殺將來。死在刀兵。衆臣宰立苻登。苟延殘喘。十餘年。空攘攘。敗與姚興。後秦主起姚萇。苻堅司馬。自淝河兵敗後。背主稱秦。既得志。殺其君。及其主后。子姚興相傳。至太子姚泓。晉劉裕入潼關。降為一虜。可憐哉。亡國主。死在金陵。西秦主乞伏氏。苻健勇將。見秦衰。背其主。隴右稱尊。傳位與弟乾歸。十年而止。被姚興擒父子。委質為臣。乾歸死。子熾。盤報讐而立。號文宣。當宋氏有子。傳承。



子慕末遇饑荒時率運塞。赫連家欺寡弱剽滅無存。  
大夏主赫連氏。姚興臣子。叛其君居統萬。反而攻秦。  
世子昌承其業。三年過眼。魏太武舉兵來虜。入平城。  
赫連定就平涼稱王建號。怡三年仍舊貫。束手遭擒。  
後涼主三河王名光。姓呂。事符堅。聞國難。縞素於君。  
為牧守。據姑臧。稱王改號。衆兒郎自讐殺庶纂稱尊。  
超弒纂立。光隆亡家喪國。被姚興除散騎。俯伏紅塵。  
短局促。十八年相傳四主。困饑荒。支不住。做了凡民。  
南涼主禿髮氏烏孤。創首。呂光朝任都統。反據金城。

傳乃弟。利鹿孤仍傳乃弟。至俛檀。獻羊馬。納款。姚秦。  
輕蒙遜。遷熾盤。興師討叛。被西秦拿敗了。鴆死其身。  
十八載。短光陰。弟兄三箇。功不成。名不就。禍及兒孫。  
前燕主鮮卑人。慕容垂。世相承。為晉將。鎮守幽并。  
初主。旣謚文明。傳之子。儁。永和。中。即帝位。海內橫行。  
幽帝。暉。陷河南。纔方得志。被符堅。興士馬。虜入西秦。  
後燕主慕容垂。叛秦而起。據中山。稱魏祖。襲魏平城。  
太子寶嗣。稱尊。龍城被困。走黎陽。遭禍患。父子同坑。  
慕容盛。討元凶。攝行統制。不三年。逢殺手。不得全身。



并火熙遭養子高雲篡弒 被將軍馮跋氏討罪除凶  
馮跋氏自稱王北燕初主 弟馮弘殺兄子自立為君  
無主宰西徘徊稱藩宋魏 不得已遼高麗死在遼東  
西燕主慕容冲平陽自立 入長安遭殺害兄子忠承  
慕容永弒其君終還一報 慕容垂施毒手掃蕩塵氛  
南燕主慕容德垂之愛弟 復宗基據廣固講武屯兵  
慕容超五六年家亡國破 被南朝晉劉裕剷滅其宗  
四慕容根本是一家宗派 或相承或相併各自為君  
西凉主呂氏凶燉煌起事 武昭王名李嵩文藝馳名

傳一代自子歌不魯展志 被沮渠兵戰死喪了家門  
北凉主盧水胡沮渠蒙遜 事呂光臣段業反覆為人  
自稱號張掖公仍投晉魏 子牧犍降魏國俯首稱臣  
如此樣十六家強胡猾虜 似浮雲黑暗了半壁乾坤  
長中短短中長六十四主 二十八全天命壽考終身  
遭地網陷天羅三十有六 血泪中多一半不得全身  
開攘攘占春風喧簷燕雀 亂紛紛消散去過耳蚊蟲  
忽地起混江龍興風作浪 霎時間沒命鬼滅影潛形  
半天下廣孳生番人種類 徧關河薰染做羊犬羶腥



書生懊恨春秋後。  
事既不同時又異。

管仲齊桓不再生。  
也由天道也由人。

六代瓜分世界。五胡雲擾中原。縱橫三百有餘年。幾度交鋒索戰。○馬過生靈。盡粉血流。河洛腥羶。耳聞猶自不堪言。有眼休教看見。

東風刮散桃花雨。

明月天晴別是春。

第七段

說隋唐二代

臨江仙

一片殘山并剩水。年年虎鬪龍爭。秦宮漢苑晉家營。川源流恨血。毛髮凜威靈。○白髮詩人聞住馬。感時懷古傷情。

戰場田地好寬平。前人將不去。留與後人耕。詩曰  
九里山前舊戰場。牧童拾得舊刀鎗。烏江流水潺潺響。  
彷彿虞姬哭霸王。

霸王烏江血未乾。長陵樹老朔風寒。千年晴草埋金谷。  
幾輩征夫老玉關。去鳥消沈雲漠漠。野花零落水潺潺。  
豪華一去無踪跡。留得虛名紙上看。

廣坐休將詩謾講。當場再把話評論。要知古往今來事。  
須問玲瓏剔透人。萬卷詩書曾着意。十年窓下苦勞心。  
編成忠孝賢良傳。寫就談今論古文。濟濟堂堂誇好漢。



轟轟烈烈顯功名。凌雲壯氣冲牛斗。對月高歌泣鬼神。  
山雨洗清千古恨。海風吹醒萬年魂。脣鎗嚇破奸邪膽。  
舌劍恢弘烈士心。玉軫頻調諧雅韻。冰弦細撥奉知音。  
知音肯共梅腮月。試聽新詞接舊文。

昨來說至五胡亂華。總也翻雲覆雨。今日把隋唐故典看。  
怎生作浪興風。按北史宇文周靜帝之母。楊堅乃靜帝外  
公。死後其子楊堅嗣爵。其女乃靜帝之母。楊堅乃靜帝外  
公。篡了外孫寶位。是為隋文帝。改元開皇。至九年己酉。南  
取陳後主。併天下為一統。傳煬帝。恭帝。凡三主。三十

八年。唐公李淵奪之。李淵稱唐高祖。傳之太宗。高宗。

中宗 武后 睿宗 玄宗 肅宗 代宗 德宗

順宗 憲宗 穆宗 敬宗 文宗 武宗 宣宗

懿宗 僖宗 昭宗 哀宗 共二十一主。享國二百

八十九年。而朱溫滅之。是為梁朝。隋煬帝之末。天下有六  
十四處烟塵。十八處改年建號。今略題大槩。說個始末因  
由。

隋文帝既稱尊。北朝君主。八年來興士馬。併滅江東。  
陳後主納降書。稱臣頓首。捲江東包宇宙。一統乾坤。



躬節儉省差徭織須好事  
退勳臣殺老將轉目無恩  
生長下惡冤家凶神逆子  
到頭來無好事禍及其身  
隋煬帝不成才凶強惡劣  
殺尊兄謀庶母大毒其心  
太寶殿殺親爺稱尊即位  
倚強資矜智勇恣意荒淫  
悅女色縱奢華泥沙錦繡  
弄刀兵貪土地螻螻人民  
廣倉廩築長城勞煩百姓  
開汴河實苑囿益造行宮  
跨遼海討高麗勞民動衆  
造龍船恣遊賞北狩南巡  
勤採獵取鷹師論千棧萬  
聚樂音陳百戲誇耀番人  
惡毒氣廣熏蒸普天之下  
反名兒張掛編率土之濱

民心變起烟塵六十四處  
知世郎王薄者唱首山東  
張金稱高士達因而聚衆  
孫安祖劉霸道發怒生嗔  
竇建德苗海潮東西響應  
郝孝德孫宣雅遠近傳聲  
吳朱燮晉管崇江東舉事  
杜伏威輔公柝淮楚稱兵  
王須陔魏刀兒剪滅燕趙  
魏程兒扶助起逞勢行凶  
郭方預益海公各誇英勇  
燕格謙齊益讓儘力橫行  
楊玄感猛招呼蒲山李家  
太原兵攬撥起留守唐公  
史萬寶李仲文長安棲應  
何潘仁丘師利整衆相從  
向善志力扶持孫華鼓舞  
梁師都扇惑起薛舉稱秦



王德仁劉苗王喧呼北地 毋端兒敬盤陀叫喊龍門  
木才相李子通依山據海 沈柳生梁蕭銑打開江陵  
劉武周郭子和山西結黨 林士弘操師乞江廣憑陵  
徐世勣王伯當滎陽抄掠 王當仁周文舉鞏洛崢嶸  
劉元進沈法興聚朋江表 左孝友盧明月發恨齊東  
趙朱燦楊士林互相攻討 裴長才白瑜娑嘯聚山林  
李公逸單雄信糾合程讓 王世充乘勢反占了東京  
高開道起漁陽自稱燕主 宋金剛興易水自在縱橫  
涼李軌自稱王河西據土 徐圓朗居海島陷了東平

虎賁郎名羅藝幽州抗命 守新鄉劉黑闥背主降人  
辛未歲為饑荒干戈亂起 丙子年隋煬帝遊幸蕪城  
丁丑年十二歲改稱年號 李世民十八歲舉義興兵  
扶立起老令公大唐高祖 據長安平禍亂濟世安民  
戊寅年隋煬帝江都遇害 宇文家完業報化及行凶  
眾臣宰狠施為摩拳擦掌 大麻繩咽頸下送了三魂  
拋撇下兩孤孫權臣侮弄 四十年隋社稷化做微塵  
唐高祖創業成李家天下 併羣雄歸一統廣大乾坤  
行戰討掃烟塵一十四載 鼓風雷冒霜雪幾度勞心



用人物總賢才能謀善斷  
調兵官多猛勇慣戰能爭  
臨湖殿舉干戈三王定統  
凌煙閣畫丹青將相標名  
唐太宗登寶位神文聖武  
舉讐臣放怨女發政施仁  
興學士講經書招賢納諫  
輕差徭薄稅歛惜愛生靈  
罷鷹犬吞皇蟲人心頂戴  
盜賊消糧食賤海內升平  
大體段好規模高出千古  
就中間剛扭捏不滿人心  
舉大事自卑微劫父臣虜  
亂人倫無主宰為色傷恩  
君臣義不克終停婚失信  
戰爭心無厭足臨老征東  
唐高宗初倚任遂良無忌  
修所行慎所好不忝其親

納父妾貶先臣持心不正  
寵偏宮殿正室背禮無恩  
唐中宗癸未年殘冬即位  
武則天稱太后自主朝廷  
甲申年二月間裴炎作禍  
被雌龍生毒害貶做廬陵  
豫王旦順母情暫登龍宸  
母居中五年號混亂文明  
庚寅歲奪朝權稱周改號  
賜殺王姓武氏泯滅其親  
廬陵王十五年房州聽命  
戊戌年因納諫取至東宮  
乙巳年春正月才方即位  
十六載復稱唐李氏乾坤  
憂變喜死復生不知忌憚  
越昏愚越懵懂怎做人君  
想當日為輕許外家天日  
恰回朝仍追念海誓山盟



妻嬪洵女持權功臣失望 寵仇讐輕社稷愛子遭刑  
戲燈市御梨園荒淫酒色 五六年狂不定醜行邪心  
韋皇后女童謀餅中藏藥 苦炎天神龍殿做了冤魂  
豫王子李三郎興兵討亂 斬元凶誅惡黨貶降奸臣  
唐睿宗乘此會再稱天子 坐朝堂剛二載禪位玄宗  
唐明皇勤國政開元大治 相妣崇任宋璟四海平寧  
天寶後養奸邪荒於政事 寵楊妃成女禍敗壞人倫  
洗兒會費金錢昭陽粉黛 荔枝香勞士馬踐走紅塵  
李林甫擅朝權傾危國勢 安祿山興士馬陷了神京

戰抖擻馬嵬坡傷心晴淚 險瀆溜連雲棧掩面蒙塵  
郭子儀仗金戈重安社稷 李光弼馳鐵騎復立朝廷  
唐肅宗自靈武承恩受命 孝心衷利心起不顧其親  
彭原驛忘軍旅驕妻博戲 興慶宮惑讒佞老父傷心  
張皇后阻朝參離其父子 李輔國掌兵權害了中宮  
唐代宗經亂離老於軍旅 仗賢能憑武勇侈力成功  
痛愛弟死無辜懷讐父母 寵凶人能假手進爵功臣  
回轉意惡專權芟其手臂 二三心無主宰不算賢君  
過委靡欠剴明闡官用事 禍根源從此起朝省無人



置高座講仁王僧尼受寵  
任番夷為節度反兆分明  
唐德宗振紀綱屬精思治  
削煩苛罷貢獻美政宣行  
不旋踵用奸臣格剋聚斂  
括商錢稅間架若害生靈  
藩鎮反盜賊興鑾輿遷播  
賴興元罪已詔收轉人心  
才定安置瓊林收藏寶貨  
稅茶鹽權酒酤利亂紛紜  
德宗老壽將終當傳太子  
唐順宗失音久風病纏身  
唐憲宗嗣寶位延英議政  
出宮人蠲賦稅禁止逢迎  
剪猾寇除亂階削平淮蔡  
幾吞兒人贊嘆果斷剴明  
說未了侈心生奸諛得幸  
寵奴僕居宰輔不信忠臣

麟德殿龍首池工程再起  
貳金丹長生藥服煉修真  
迎佛骨貶諫官崇邪佞  
為稱尊受賀禮處陋甘心  
中和殿大牟初一時亡化  
細尋思無疾病事有來因  
陳弘志逞奸謀行凶下手  
梁守謙立太子掩罪容身  
唐穆宗守父孝何曾滿月  
命羣臣皆釋服廢禮忘親  
端聲色遊畋獵重陽大宴  
縱藩臣殺節度放肆橫行  
依舊是服金丹亡身殞命  
賴慈親郭太后却位扶君  
唐敬宗甫登極嬉遊濫賞  
打球回遭宦者滅燭行凶  
絳王悞立片時仍逢禍害  
兩日中三換主立起文宗



唐文宗守祖訓貞觀政要  
惠風疾寵醫士變亂規繩  
甘露禍反遭殃公卿濺血  
哭啼啼比赧獻受制家臣  
仇士良剪宗枝扶持乃弟  
唐武宗或左道受錄玄門  
毀佛寺羅僧尼雖稱獨斷  
餌金丹成大病喑啞而崩  
皇太升號宣宗躬行節儉  
小太宗虐獎譽大體無能  
搖着手慎中官提心釣膽  
為猜嫌殺嫡母有壞人倫  
唐懿宗重佛法唱經開講  
歲飢荒人困苦反亂紛紛  
唐僖宗擊球場狀元人物  
私鹽賊黃巢反棄了神京  
唐昭宗五名號門生國老  
少陽院苦幽囚爾汝難聽

紆于山凍雀兒離鄉背井  
醉醺醺淋殿裏疾走無門

昭宣帝軟雕雕孤兒寡婦  
毋先亡見後死委命來溫

三百載大唐朝二十一世  
亂離多寧靜少幾日升平

春風回首人何在  
五代紛紛起戰爭

追想千年往事六朝踪跡茫然  
隋唐相繼統中原世態幾  
回雲變○楊柳淒迷汴水  
丹青慘淡凌烟樂遊原上草連  
天飛起寒鴉一片

東風掃盡隋唐恨  
有二山河換主人

第八段  
說五代史  
定風波



雨汗淋漓赴選場。秀才落得甚乾忙。白髮漁樵諸事懶。蕭  
散閒談今古論興亡。虞夏商周秦楚漢。三分南北至隋  
唐。看到史官褒貶處。得趣。不搖紈扇自然涼。詩曰  
山自青青水自流。南征北戰幾時休。青春壯士邊關老。  
紅粉佳人白了頭。

十遇征夫九皺眉。忘食廢寢有誰知。中宵破夢驚鈴舉。  
頓飯驚心戰馬嘶。剪髮搓繩穿斷甲。拆衣抽線補殘旗。  
風流宰相龍樓宴。翠袖雙扶下玉梯。

詩向會家閒講究。話逢知己細評論。評論往事知興廢。

講究前賢說智能。東岸水流西岸響。南山風送北山雲。  
雲容冉冉舒還卷。水勢滔滔古又今。流水浮雲何日了。  
人生在世幾回春。黃塵埋沒英雄老。白髮消磨壯士心。  
蓋世功名如二夢。掀天事業轉頭空。半張故紙留踪跡。  
千古漁樵作話文。閑論高談依故典。長歌短曲弔英魂。  
就中多少悲歡處。珍重知音仔細聽。

說過隋唐三百載。一場春夢別翻公案。五代史多少興亡。  
要知去跡來踪。檢盡殘篇斷簡。按五代者。梁唐晉漢周是  
也。



後梁太祖朱溫。本碭山小民。為黃巢賊黨。力屈降唐。後因  
有功。封梁王。賜名余忠。殺了唐昭宗。自稱皇帝。在位六年。  
被妻生子鄂王朱友珪刺死。其第三子均王友真討殺友  
珪。又十年。唐莊宗李存勗滅之。

唐主李存勗。其祖朱邪國昌。乃沙陀國人。有功於唐。賜姓  
李氏。其父李克用。封晉王。去世之後。李存勗滅了梁國。自  
稱唐王。謂之莊宗。在位四年。被樂官郭從謙所殺。其義兄  
明宗即位。傳之愍帝。又被義兒潞王所殺。潞王自立三年。  
被石駙馬所篡。前後四主。共十四年而亡。

晉主石敬瑭。乃唐明宗駙馬。為晉高祖。在位七年。傳與兄  
子石重貴。被北番所虜。父子共十一年而亡。其臣劉知遠  
即位。是為漢高祖。傳其子承祐。是為隱帝。父子共四年。其  
臣郭彥威篡之。是為後周太祖。在位三年無嗣。其妻兄之  
子柴榮即位。是為世宗。七年而崩。其子宗訓即位。是為恭  
帝。在位七個月。禪位與趙匡胤。天下歸於宋朝。按後周三  
主二姓。共十年而亡。此謂之五代之君。共十一帝。一起一  
滅。五十三年。中間又有僭號之國十一處。稱王稱帝。賢愚  
不同。



福建閩王王審知。唐僖宗時受封。據福建。統五州。傳其後  
王延翰。王延鈞。王延鼎。王延曦。王延政。共六主。五十年。而  
降於吳越。其吳越國王錢鏐。唐昭宗時受封。據兩浙。統十  
三州。是為武肅王。傳其後文鏡王。元瓘。忠獻王。弘佐。弘侗。  
弘俶。凡五主。八十四年。歸降於宋太祖。  
淮南吳王楊行密。唐昭宗時受封。據廬州。二十八郡。號忠  
武王。傳之威王。渥。宣王。隆演。讓。皇。溥。凡四主。共三十六年。  
禪位與南唐。  
江南唐王李昇。本淮南楊氏之臣。徐溫之義子。實係唐朝

子孫。受吳王封為齊王。受楊溥禪位。建國金陵。統三十五  
州。號烈祖。傳之子李景。是為後主。宋太祖乾德二年卒。其  
子李煜嗣位。歸宋。凡三主。三十九年而亡。  
湖南楚王馬殷。唐昭宗時為刺史。據潭州。二十三郡。朱溫  
時受封。是為武穆王。傳其子希聲。希範。希廣。希萇。希崇。凡  
六主。共五十六年。南唐後主滅之。  
荆南秦王高季興。梁朱溫之臣。又降唐。降吳。受吳封為秦  
王。據荆南三州。傳其後高從誨。保融。保勗。繼冲。凡五主。共  
五十七年。降於宋。



西川蜀王王建唐僖宗時為利州刺史昭宗時受封後稱  
帝據成都等十八州是為高祖傳其子宗衍興二十三年  
唐莊宗滅之○後蜀王孟知祥唐明宗時受封據成都三  
十六州傳其子景共四十年降於宋太祖  
北幽燕王劉守光梁太祖時受封後稱帝三年唐莊宗滅  
之  
廣南漢王劉隱梁太祖時為清海節度使弟劉巖稱帝據  
廣南四十七州傳之子玢歲餘凡四主共五十五年宋太  
祖滅之

河東晉王劉崇漢高祖知遠之弟因郭威篡隱帝遂稱帝  
於晉陽謂之北漢世祖傳其子劉鈞是為孝和皇帝無嗣  
先者有營卒薛劍娶世祖女為妻生子繼恩世祖即位其  
女居內薛劍自刎世祖以繼恩與孝和為嗣其母改嫁何  
氏又生子名繼元亦與孝和為嗣相傳四主共二十九年  
宋太祖併之

凡此十一處稱王稱帝者共四十一人自唐末梁初各各  
據上僭號至宋太宗太平興國四年通共八十二年北漢  
劉繼元歸附之後僭偽盡絕那時天下生靈受了多少塗



十一  
炭見了、多少干戈、今從五代梁朱溫創始之初說起。

按五代始於梁朱溫創首、本碭山無籍子、一個貧民、唐之末、私鹽客黃巢造反、聚鄉民相接、應占據河中、勢敗也、乃降唐、獲功受賞、弒昭宗、扶末主、占了神京、再奪位、篡唐朝、奸謀詭計、縱私邪、成內亂、狗行狼心、朱友珪、高聲罵老賊萬段、反作為天報應、血泪尸橫、朱友貞、討逆賊、殺兄報父、一家兒、刀斫戮、不顧人倫、李啞子、大兵來、號咷乞命、皇甫璘、揮短劍、了當殘生、父共子、十一年、風燈草露、被唐家、追貶做小可凡民。

唐家者、乃唐朝沙陀降將、李國昌、李克用、父子相承。

李克用、惡朱溫、謀朝篡國、誓一生、無改變、義士忠臣。

李存勖、承其父、晉王名分、滅賊梁、繼唐統、廟號莊宗。

堪恨、處志驕盈、矜功自喜、侮縉紳、悅女色、寵任伶倫。

李天下、壞名聲、甘心苟賤、郭門高、下毒手、樂器焚身。

唐明宗、李嗣源、胡人異姓、入洛陽、監國政、志在經綸。

遠女色、減中官、英明有道、惜生民、休士馬、五穀豐登。

唐愍帝、怡臨朝、時衰運拙、李從珂、王氏子、反入西京。

亂鴿酒、中麻繩、衰哉短命、一家兒、妻共子、總做冤魂。



唐潞王篡李氏戕民賞衆 不限防后駙馬引動番兵  
一炬火玄武樓化成灰燼 十三年傳四主過雨殘雲  
后駙馬滅殘唐更稱後晉 拜契丹為父母做小甘心  
為招納吐谷渾番王責怪 一場憂一場氣染病亡身  
將幼子托非人老奸馮道 立齊王為國主又是昏君  
妻非母戲梓宮自稱新婿 醉醺醺涎登鄧敗壞人倫  
景延廣橫磨劍冲突大國 張彥澤兩頭蛇逼做降臣  
劉知遠立漢朝親承晉祚 幸遼君胡馬逞趨勢為尊  
子承祐嗣其傳謂之隱帝 殺大臣不以罪激變英雄

郭雀兒舉兵來支撐不住 孤身為一騎馬先在荒村  
李太后自臨朝才方一月 契丹家軍馬動准備征行  
衆將帥列黃旗高呼萬歲 漢家邦改換作郭氏朝廷  
郭雀兒號周朝尊稱太祖 殺劉贊攻北漢已見其心  
柴氏子周世宗因親繼統 臨陰中親出將果斷剛明  
綱紀正賞罰行三軍喜悅 用文臣任武將各盡其能  
布其德宣其威隣邦入貢 沾其恩向其化遠近稱臣  
剛七載棄羣臣宮中晏駕 漢唐來稱獨步有道明君  
符皇后抱孤兒遭時不幸 被陳橋兵變了改換乾坤



五代史八姓若級勿日月朝屬梁幕屬晉草草若臣  
當此際亂離中稱王據土顯神通誇智勇更有能人  
閩國主王審知因先起事奉唐朝封節度北而朱溫  
據福建統漳泉稱王僭號老將來子延翰繼統為臣  
吳昆仲拒良言遭逢義弟斬其身奪其位與弟延鈞  
收父妻殺朝臣繼妻為亂李皇城行弒逆血濺宮庭  
嗣君相不共天首誅賊佞信妖巫長夜飲剪滅宗親  
叔父曠行戰討縊於村舍反施為讐諫酒色昏沉  
朱文進五七人乘其空便一張弓就上馬刺殺強寇

自披起袞龍袍稱孤道寡吳成義函其首送與新君  
新君者王延政合當承受李仁達攜所據獻與金陵  
南唐主受其降封官賜職六十年禪指過水上浮萍  
淮南地有吳王楊行密氏昭宗時廬州起戰討成功  
二十載忠武王承唐節制統軍州二十八延攬英雄  
長子渥號威王無才寡德十圍燭終見弒張顯徐溫  
弟隆演號宣王改元武義崩廬視十二載委政羣臣  
讓皇溥百無能受拘徐氏把江山分付與古潤潛身  
四代主走風雲三十六載南唐王懷舊德不廢其宗



南唐主李家即大唐枝葉 吳徐溫養為子累立功勳  
受封拜據金陵承其父業 統南州三十五復姓稱尊  
年將老餌金丹時加暴怒 王栖霞諫不盡飽喜饑嗔  
疽發背壽云終傳於後主 子齊王名李景嗣位承宗  
性謙謹更寬仁優柔寡斷 統朝綱失主宰五鬼縱橫  
打熬過晉漢周三十八載 末主煜歸附與宋將曹彬  
吳越國主錢鏐杭州創業 討董昌封節度果係功臣  
受王位統軍州一十三郡 百年身終壽考德義馳名  
錢元瓘守成規宗親友愛 十年終傳幼子政務公勤

忠獻王七年餘奄辭人世 弟弘傑承國祚果斷剛明  
統軍使胡進思生心廢立 強扶持錢弘俶繼統為君  
論始末自唐朝周旋五代 八十年歸大宋忠孝賢人  
湖南主楚王殷扶風馬氏 始殘唐終五代父子相承  
武穆王勇而謀寬慈樂善 獲吳人仍遣去頗見其心  
多內寵久規繩無分嫡庶 眾駒兒爭卓棧會有紛紜  
傳位與子希聲再傳希範 平南蠻立銅柱自許英雄  
九龍殿極奢豪踈賤拒諫 假慈悲殺其弟就裡無仁  
馬希廣既承家何曾展志 朗州兒仍下手賜死于刑



馬希萼剪連枝荒淫無道 被羣臣幽囚在衡嶽山林  
策立起馬希崇降唐受制 六朝君眈眼過委命江東  
忙冗冗鬧喧喧五十六載 繞孤城單刺下水迹潮痕  
荆南主高季興梁朝舊將 既降唐封渤海又做吳臣  
父傳子一家見心無定向 據江湖攔要路劫勅為生  
貪賞賜愛便宜自輕自賤 醜名兒高無賴到處稱臣  
高從誨高保融傳之寶鼎 受淮南吳國主封號為秦  
高總冲結宋梢枝降趙宋 五十年如一夢故紙虛名  
前蜀王大唐臣利州王建 數十年為虎將四海聞名

身百戰受辛勤開基創業 據西川稱高祖烈烈轟轟  
王宗衍出溪宮承家繼統 任中官貪酒色寵用妃嬪  
無厭足徧徑遊球場酒肆 不羞慚輕出入柳戶花門  
宣華苑醉重陽傷人墮淚 怡神亭散春景宰相憂心  
李存勖大軍來哀號請罪 殺臣僚獻首級奉表軍門  
兩輩兒氣昂昂二十三載 滿門親都做了屈死冤魂  
浚蜀主益知祥西川節度 唐莊宗親委任背主稱尊  
子益祖嗣其宗奢淫失政 寢房中穢污器七寶裝成  
伊審徵王昭遠貪邪用事 李太后良言勸不肯依從



宋朝將王金斌長驅席捲 曲躬身率子弟做了降臣  
四十載錦官城三軍解甲 不男兒貽笑與花蕊夫人  
北燕主劉仁恭梁朝節度 好驕奢貪且暴一介凶人  
築宮館大安山勞民害衆 聚紅妝藏外道煉藥其中  
不孝子劉守光私通愛寵 破其城因乃父集斃其心  
既得志受王封心無厭足 自稱尊滅骨肉鬧了三春  
李存勗入幽州生擒父子 一家兒都做了血死猖神  
南漢主本梁臣姓劉名隱 弟劉巖稱漢帝據廣為名  
白龍現造奇文龍天作龔音掩 自矜誇窮奢侈寶殿珠宮

心慳酷用淫刑蛇牢水獄 縱頑民沿海道虜掠商人  
用宦者掌朝綱扶持後嗣 恐朝臣難倚靠各顧兒孫  
子劉玠嗣其位遭逢乃弟 劉弘照乘酒醉拉殺宮門  
既殺兄又殺弟改名劉晟 把宗男都殺盡納女于宮  
生地獄活陰司刀山劍樹 女侍中居左右進退公卿  
勢將衰長嘆息一身難保 再相傳其子張一樣凶神  
求仕者下蚕室才方任用 起疑心下毒酒鳩殺朝臣  
宋太祖憫窮民興兵救命 潘仁美入城來一鼓而擒  
四代兒不仁君南蠻惡物 五十年磨滅了多少生靈



北漢主乃劉崇漢高親弟 劉知遠稱尊日節度河東  
周太祖弒其君懷讐結恨 據太原稱漢帝要併乾坤  
倚仗着大遼家兵威國勢 動干戈興士馬虎闖龍爭  
歸天去子承家追稱世祖 孝和帝善維持保土安民  
尊遼主自稱男皆因國小 儘人呼兒皇帝不敢高聲  
用僧道理朝綱因循歲月 美言詞尊趙宋暫免交征  
無後嗣靠誰人承家繼統 外甥兒收拾做義子螟蛉  
薛氏子名繼恩登朝兩月 侯霸榮行篡弒命掩泉扃  
郭無為用朝典立誅奸黨 何繼元承乃位宋主來征

烏紗帽。編素衣。城臺納表。受封官。一塊土。老在燕城。

按前史閱興亡。浮漚起滅。是和非。長共短。記載分明。  
有德行好君王。無多幾位。惡神煞。無道主。禍亂縱橫。

救濟生靈須聖主 保全民命靠英雄

何時一點天瓢水 洗盡中原戰血紅

千古傷心舊事。一場談笑春風。殘篇斷簡記英雄。總為功名引動。箇箇轟轟烈烈。人人擾擾匆匆。榮華富貴轉頭空。恰似南柯一夢。

功名到底成何用 夜宴終須有散場。



語雖俗  
而有味

第九段

說宋遼金夏

蝶戀花

檢盡殘篇并斷簡。細數興亡。總是英雄漢。物有無常人有  
限。到頭落得空長嘆。○富貴榮華春過眼。漢主長陵。霸主  
烏江岸。早悟夜筵終有散。當初賭甚英雄漢。詩曰  
賭勝休嫌力不加。功名富貴眼前花。千年田地八百主。  
守到如今有幾家。

鐵甲將軍夜過關。馬蹄到處骨如山。氣高無奈烏江阻。  
色重方知蜀道難。長夜酒能淡社稷。瓊林富不救饑寒。  
若將四堵牆推倒。海宴河清日月閒。

筆底詩詞成笑語。閒中今古要知閒。書生靜坐寒窗下。  
永夜挑燈索用心。檢盡殘篇并斷簡。參同往古共來今。  
鋪張短話成長話。褒貶前人勸後人。耳聽良言增感慨。  
情關義士長精神。斬釘截鐵言詞壯。擊玉敲金字樣真。  
萬壑風生因虎嘯。九天雲起為龍吟。龍吟虎嘯爭戰。  
鳳舞鸞歌慶太平。細撥冰絃調玉軫。勝聽檀板醉紅裙。  
知音達者同高會。再把新詞聽一巡。

話說五代史并僭號十一國。稱帝稱王者四十一人。中間  
全身壽考者二十人。吳越錢氏占了四位。其餘皆死於非



命可見世衰道微三綱不肅九法淪斁又有甚於五胡亂  
華之時者午會至此已過三分之一陰日盛而陽日消生  
靈不幸天地有所不能維持唐明宗焚香告天願早生聖  
人宋儒信之謂宋太祖生於甲馬營上應天象後來果能  
消蕩羣雄混一華夏然中間又有未必必然者當在智人若  
子辯之且說宋太祖受周朝幼主讓位稱大宋太祖皇帝  
傳之 太宗 真宗 仁宗 英宗 神宗 哲宗  
徽宗 欽宗 高宗 孝宗 光宗 寧宗 理宗  
度宗 端宗 凡十六帝共享國三百一十七年天下歸

於大元中間有遼金西夏元朝四家交征合戰起滅紛紜  
到底不是一統且如大遼原是契丹胡人唐末耶律阿保  
機占據幽燕掃太祖皇帝傳至子德光改號大遼國太宗  
皇帝傳之 世宗 穆宗 景宗 聖宗 興宗 道宗

天祚帝 宣宗 凡十主共二百五十年宋神宗時遼  
之臣阿骨打篡奪其國自稱大金太祖皇帝傳之太宗  
熙宗 海陵王 世宗 章宗 衛紹王 宣宗 哀宗  
末帝 凡九主共一百一十九年元朝太祖滅之 西  
夏者乃拓拔氏自宕項於唐貞觀中入居銀夏唐賜姓李



唐末為夏州節度李彝昌孫父仁當弟李彝超李彝興李  
光睿李繼筠李繼捧李繼遷李德明李元昊兄弟子孫相  
承至繼遷立國宋太祖時歸降賜名趙保吉其子德明嗣  
之至宋仁宗時德明之子元昊一名曩霄據興州之地盡  
有河南河西河外三十二州戊寅保元元年稱帝號大夏  
景宗傳 英宗 惠宗 崇宗 仁宗 和宗 襄宗  
神宗 獻宗 末主 南平王 凡十三共二百二十年  
元太祖滅之 西遼者契丹耶律太后因大遼滅亡乙巳  
年建國稱帝於契兒漫又遷於虎思是為德宗皇帝在位

十年因子幼其后蕭氏塔不煙稱制號感天皇后六年而  
卒子夷列即位是為仁宗又十二年卒其子幼遺命其妹  
普速完禱國號承天皇后又十五年弑其夫蕭朶魯朶  
其夫之父幹里刺討而誅之立仁宗子直魯古改元天禧  
在位三十四年因出獵為南蠻屈律伏兵擒之而西遼遂  
亡計所傳 德宗 感天后 仁宗 承天后 天禧帝  
凡五主共七十年而滅此四國者與宋相參分據四海非  
一統之天下也今將四國大畧寫入詞文

五代史運將衰中原粉碎 漢劉宗因雪恨鐵騎南征



宋太祖事周朝官封點檢 領三軍擔北虜志掃邊塵  
感天象動日光陳橋兵變 應飛龍登寶位南面稱尊  
討南漢定西蜀八方拱手 取江南平吳越四海來賓  
勸藩鎮解兵權君臣定體 誠行兵毋殺掠遠近蒙恩  
遵母計保家邦惇行孝友 把龍牀傳乃弟不負其心  
怎承望壽將終人遮燭影 哭啼啼同富貴就裏難明  
思往日順天心不當至此 善施為惡報應萬古疑心  
人瞻仰太平年雲開見日 巧稱呼堯讓舜總是虛名  
瞪着眼欺負人孤兒寡婦 昧着心瞞不過君子仁人

宋太宗美天姿龍行虎步 敢遼兵平北漢際會風雲  
鑒前史退中官朝綱整治 采直言薄稅歛政教修明  
堪恨處奉先兄曾承顧命 殺德昭貶庭美痛憾人心  
金櫃裏一緘書歸功趙普 香烟中四箇字得罪神明  
朝登極暮改元其心不善 嫂後喪不成禮何忍為人  
宋真宗恰稱尊蕭娘犯境 寇萊公扶主上御駕親征  
和北虜罷行營生民樂業 封泰山祠后土取次升平  
興異說信妖人真龍出現 降天書延聖祖制作紛綸  
宋仁宗奉嫡母垂簾聽政 尚寬慈存節儉救濟流民



因內寵取中宮過聽謬語 欠斟酌無遠慮黜降賢臣  
夏國主李曩霄乘時入寇 據西河連北虜小樣三分  
宋英宗倚大臣韓琦輔助 却垂簾取內侍中外澄清  
宋神宗勤且儉勵精求治 天津橋啼杜宇禍亂將興  
用新法改舊章勞煩百姓 寵奸邪無主宰取竄朝臣  
宋哲宗尊太后女中堯舜 轉回頭興黨禁小輩橫行  
無子嗣弟端王承家即位 宋徽宗因弄巧國祚彫零  
鑄九鼎運花石尊崇道教 狝妖興黑青現怪異縱橫  
游市井串花街結心揚戲 好風流稱浪子取笑章惇

阿骨打入中原山河失守 宋欽宗承內禪父子遭擒  
一騎馬度康王江南立帝 建中興無計策反害功臣  
信奸佞主和盟稱臣奉貢 避兵鋒安苟且慝怨忘親  
宋孝宗承七世開基太祖 受高宗傳寶位有志經綸  
張子巖再出師羣臣阻礙 滿朝中皆婦女嘆殺英雄  
宋光宗惑李后信其誣罔 重華宮一二載不見嚴親  
宮人手煮成羹齋壇有便 官臣言搬出禰感病傷心  
宋寧宗柔且暗不能自主 乏皇儲立猶子惹動交爭  
史彌遠弄朝權結交楊后 損皇戚壞家法宋德非純



元太祖起幽燕中原膽碎 金章宗渡淮水殺氣憑陵  
宋理宗沂王子中宮策立 寵倡優貪聚歛委政奸臣  
仗胡馬掃邊塵謀吞西夏 益無庵身百戰併力平金  
滅金虜恰寧帖元兵又至 據西湖一注水怎濟蒼生  
賈似道弄朝權喪師誤國 買公田立關會害殺生靈  
宋度宗不知機荒於酒色 覲袞樊如草芥棄與他人  
顯是易軟臃腫弟兄三箇 人心離天命去閩廣飄零  
元世祖下江南山川席捲 文天祥遭虜掠趙氏無人  
三百載宋朝君一十八帝 夏遼金將世界碎扯零分

一汴國二杭州三閩四廣

被金元欺負殺韓子稱臣

到底是鄙夫心慮得患失

殺不辜行不義昧了神明

佯孝順假慈悲瞞人不過

比三皇方五帝索費評論

遼國主姓耶律契丹胡種

阿保機大唐末建國黃龍

取渤海占中原河東九郡

西流沙北大漠萬里咸賓

統諸國自稱尊天皇太祖

子人皇妻地后大度寬洪

遼太宗名德光平欺后晉

殺胡林鹽載了也莫南征

趙延壽入恒州權知國事

遼世宗執其醜自立為尊

囚祖母木葉山輕賢傲士

五六年貪酒色豈暇南侵



燕述軌起謀心弑君奪位 遼穆宗名述律討罪除凶  
賞無度罰無章朝綱不治 獵禽多貪飲宴遇弑行宮  
遼景宗宋之初兩相通問 高粱河大得采結怨於心  
遼聖宗十二載權歸母后 下高麗戰河北與宋和平  
舉才行察貪殘設科取士 減奢華却女樂富國強兵  
遼世宗違父命特尊其母 正宮中齊太后做了冤魂  
遼道宗歲齋僧三十六萬 信奸臣殺妻子不真聰明  
傳寶位與其孫是為天祚 阿骨打行跋扈弄起刀兵  
信讒口殺其妃及其愛子 樂遊畋失政事散了親臣

遺玉璽走夾山家亡國破 應州城風雪裏束手遭擒  
蕭特烈李處溫連扶三主 可憐人支不住玉裂山崩  
西遼主名大石虎思創國 號德宗圖興復十載因循  
感天后輔皇儲十年翻掌 至仁宗傳乃弟穢德彰聞  
承天后普速完殺夫為亂 幹里刺誅惡婦策立儲君  
直魯古號天禧三十四載 乃蠻王屈出律併滅除根  
大金國生女直完顏姓氏 阿骨打叛遼主虎視乾坤  
稱太祖展雄謨美無遺策 混同江鞭指虜兵不留停  
金太宗吳乞買滅遼擒宋 捨所生五世嫡不背其兄



熙宗亶厭言兵通和宋國過中年貪醉酒手必朝臣  
殺其后亂其宗人懷危懼海陵王行篡弒大展燕京  
恣淫佚滿門親行同犬彘滅宗人弑親母舉衆南征  
瓜州渡衆番酋同心一怒箭先來刀接應再贈麻繩  
妻共子砍成堆屍橫血泊一家兒都做了怨魄強魂  
金世宗仁且孝遼陽即位賢其妻能守節不立中宮  
崇節儉尚文儒與民休息世稱呼小堯舜有道仁君  
金章宗承祖廕升平未久李宸妃持國政疎遠宗親  
元太祖斡難河稱尊建號衛紹王無計策不敢支撐

胡沙虎弑其君自稱監國金宣宗受策立國勢將傾  
宋來伐夏來侵元兵得志把中原都棄了無地安身  
金哀宗亂亡世十年天子蔡州城瘟疫起死盡生靈  
殺廐馬犒軍卒明知喪敗把虛名傳禪與元帥亦麟  
死社稷禮之常可憐天命幽蘭軒一炬火送了殘生  
夏國主李曩霄依遼附宋據西涼稱武烈取次崢嶸  
十年後夏英宗承其位號二十年無定志與宋交征  
夏惠宗孺子才拘於國母十八年臣於宋保國安民  
夏崇宗名乾順請婚遼主至遼以依然又入貢於金



夏仁宗名仁孝國中多難 被權臣仁德敬殺害宗親

無禁制儘教他分其國土 金世宗却貢獻務討權臣

夏桓宗十二載遭人所廢 李安全奪了位立號襄宗

剛四載苦元兵投降獻女 夏神宗叛金主反面興兵

元太祖圍興州西奔避難 稱上皇傳位與德旺相承

夏獻宗立四載憂惶致死 南平王歸附與大國元君

西夏主十代君二百餘載 宋遼金三下里見景依從

似一點水浮漚生生化化 弄刀兵何曾見一日昇平

攔路虎剩一行行蹤步跡 占天龍留幾片敗甲殘鱗

繁華過眼如春夢

斷簡殘篇說姓名

三百餘年宋史遼金西夏縱橫爭強賭勝弄刀兵誰解倒

懸民命○富貴草稍垂露英雄水上浮萍是非成敗總虛

名一枕南柯夢醒

龍爭龍鬪無蹤跡

剩水殘山自古今

第十段

說元史

西江月

山色消磨今古水聲流盡年光翻雲覆雨數興亡回首一

般模樣○清景好天涼夜賞心春暖花香百年身世細思

量不及樽前席上

詩曰



慷慨樽前發浩歌。休教世事若相磨。東風要與花為主。  
無奈青春老去何。

桃花花開樹滿紅。轉頭青子綠陰濃。梧桐葉上猶殘雨。  
雪片簷前又舞風。時序往來千古在。人生聚散一場空。  
今朝有酒今朝醉。說甚英雄十大功。

八句罷談停玉軫。詞文再舉奉知音。知音肯共閒談笑。  
故典何妨細講論。論到可人題品處。風花雪月長精神。  
良言不吝叮嚀說。好句須頻仔細聽。夜枕滴殘金砌雨。  
曉窗敲碎玉壺冰。金盤萬顆珍珠落。寶樹千花錦繡分。

讚美賢人談甚事。稱揚孝子共忠臣。撥開虎鬪龍爭處。  
別有清閒物外人。范蠡扁舟滄海月。陳搏高枕華山雲。  
冰絃喚醒紅塵夢。不比尋常勸世文。

話說宋遼金三史已畢。說到元朝太祖成吉思皇帝。姓奇  
渥溫氏。名鐵木真。蒙古人氏。正是韃靼人。於宋寧宗丙寅  
開禧二年。金章宗泰和六年。夏。襄宗應天元年。三國擾攘  
之際。即位於幹難河。號稱聖武元年。在位二十二年。傳位  
第二太子窩闊台。是為太宗。在位十三年。太皇后禿里吉  
納。治國五年。長子貴由即位。是為定宗。二年崩於胡魯剌



陽皇太后復治國四年太祖第四子拖雷之長子蒙哥即位。是為憲宗九年崩於釣漁山。太宗弟忽必烈即位。是為世宗。混一南北。建都燕山府。傳至成宗。名鐵木耳。其父真金。乃世祖之長子。追謚裕宗。裕宗二子先卒。其長子甘麻剌。追謚顯宗。次子答剌麻八剌。追謚順宗。第三子乃成宗。是為完澤篤皇帝。在位十三年崩。順宗長子海山即位。是為武帝。曲律皇帝四年崩。其弟愛育黎拔力八達即位。是為仁宗。普顏都皇帝九年。太子碩德即位。是為英宗。格堅皇帝三年遇弒。顯宗之子也。孫鐵木兒即位。是為泰定皇

帝。四年崩。武宗長子周王和世疎即位於沙漠。是為明宗。護都篤皇帝八年。箇月暴崩。乃弟圖帖睦爾即位。是為文宗。禮牙篤皇帝四年崩。明宗次子懿璘直班即位。是為寧宗。一月而崩。乃兄妥懽帖睦爾即位。是為順帝。在位二十七年。國亡。卒於應昌府。元朝前後一十四帝。通共一百六十二年。混一止計九十二年。天下歸於大明。太祖皇帝。今將元朝始末畧記其大槩。以見賢愚。

三百載宋遼金中原鼎沸。幹難河。韃兵起。別是乾坤。元太祖鐵木真。神謀妙算。廣機謀。多妙計。出類超羣。



掃沿邊四十餘如同削草。感天心角端現。罷戰休兵。  
終老在六盤山。雄心未已。尚叮嚀約宋國。併力平金。  
能委任。股肱。且真材實料。有功勞。四怯薛。世代相承。  
博爾木博爾忽。濟時人物。木華黎。赤老溫。萬古留名。  
元太宗窩濶。台寬。洪大量。滅殘金。侵宋境。國勢龍興。  
但可惜。酒為魔。中宮竊柄。鉅鉄錐。因醉死。七子誰君。  
元定宗。開五載。才方即位。不三年。歸天去。母后稱尊。  
元憲宗。勤政事。剛明果斷。不貪盃。不重色。嚴御羣臣。  
元世祖。滅南朝。華戎混一。據燕山。朝萬國。四海來賓。

禁圖讖。焚道書。本呼清靜。寵西僧。求術士。不冀聰明。  
俊鷄子。美珍珠。宜乎不受。大酒樽。無縫衣。何苦勞心。  
元成宗。修祖業。垂拱而治。十三年。行的事。間雜昏明。  
葡萄酒。門攤錢。羅之為美。馬牛羊。鷹犬。取索何勤。  
元武宗。兄之子。繼登其位。以同胞。弟為子。頗碍人倫。  
元仁宗。守文主。崇儒重道。選明經。立科舉。偃武修文。  
元英宗。行孝道。焚香請代。寫經文。作佛事。惑亂其心。  
縱奸黨。殺朝臣。劉明有欠。駐南坡。行帳裏。禍變相尋。  
君與相。可憐人。俱遭寇手。為惶。無遠慮。悞了前程。



恭定王討元凶掃除奸黨 忽天灾受佛戒買寶求珍

因避暑上都宮升遐去世 二宗姪相離遠國政誰尊

元明宗和世疎遠居沙漠 弟文宗圖帖睦爾處江陵

燕帖木迎文宗入承大統 却差人和寧北遠接明宗

行殿裡喜相逢歡歌飲宴 不明白誰下手骨肉分情

燕帖木聞哭聲忙收玉寶 把文宗扶上馬事恐難明

後寶位賜金帛情由顯露 天降灾虹貫日天喪其身

明宗子號寧宗才方七歲 坐龍床一箇月命天難存

元順帝乃其兄稱尊即位 性優柔無果斷委政權臣

製宮漏造龍舟施逞斧鑿 運氣拊天魔舞惑亂其心

聽臣子弑中宮不能遮護 儘奸雄逐太子委靡無能

綱紀壞國運終羣雄並起 棄燕京望北走社稷分崩

大元國十四君不堪回首 九十年中華主一旦成空

天付與 混乾坤歸一統海宴河清

聖明朝升平萬歲 不發黑如何得曉日光明

不濃陰怎能勾真龍出現 笑談間屈指數多少豪英

十九史細評論幾場興廢 論征伐何處起湯武桓文

傳道統古魯聞三王五帝 論征伐何處起湯武桓文



數千載。史書中。今來古往。幾千場。風雲變。虎鬪龍爭。  
一箇箇。使機謀。圖王霸業。一朝朝。事社稷。遣將興兵。  
運籌策。定功勞。朝中宰相。辨風雲。別氣色。關外將軍。  
黃金印。御寶符。封侯拜將。錦征袍。金鎖甲。領隊排兵。  
花腔鼓。賽春雷。驚天震地。五方旗。遮日色。慘霧愁雲。  
雄赳赳。仗刀鎗。揚威耀武。惡恨恨。臨陣處。捨死亡生。  
下死手。擄精拳。人頭厮拚。咬鑿牙。瞪怪眼。熱血相噴。  
只為爭。三寸氣。興心舉意。儘教些。斬殺漢。奪利爭名。  
黃河岸。幾千場。橫尸濺血。北印山。無打莫。白骨黃塵。

誰智勇。誰才能。南柯一夢。誰英雄。誰俊傑。高塚麒麟。

前人事。後人悲。一聲長嘆。洛陽花。咸陽草。幾度黃昏。

吳王闕。越王臺。兩堆糞土。漢家陵。唐家寢。一樣黃塵。

流落後。忘分器。金枝玉葉。路傍人。誰辨認。龍子龍孫。

細思想。轉沉吟。人生有幾。巧安排。多計較。到底成空。

今世裏。謝皇天。一人有慶。萬萬年。無爭戰。四海澄清。

遇飲酒。得高歌。開懷作樂。把新詞。聽一會。清世閒人。

一段詞。一段話。聯珠間玉。一篇詩。一篇鑑。帶武兼文。

說武將。逞英雄。威風凜凜。叙文人。施禮樂。文質彬彬。



休笑話。采書生。殘編斷簡。勝尋常。歌舞妓。翠袖紅裙。  
幸今日。與知音。逢場作戲。待來朝。重會面。存有新文。

高人解得其中意。

減盡爭名奪利心。

細想三王五帝。一般錦繡江山。風調雨順萬民安。不見許多公案。○後世依他樣子。齊家治國何難。流芳百世在人間。萬古稱揚讚嘆。

仁皇治世天心順。

不動干戈日太平。

廿一史彈詞終





程